

可世

廟白四旗漢軍忠烈傳

卷三



八旗通志初集卷之二百三十一

忠烈傳十二

鑲白旗漢軍官員

祖世祥 劉漢

汪騰高 父汪文貴

張承烈

何世榮 鄭國明

范文英

陳紀範 見名臣陳廷璋傳

劉大受 許友信董文魁

王興國

和萬鍾

鄭朝興 臧世龍

祖大枚 見名臣祖澤遠傳



鑲紅旗漢軍官員

尹得才 常鼎孫應時 李三元 劉應舉

王元爵 兄子王秉政秉政同祖弟王秉仁

楊致祥 高舉

柯永新 劉衍

劉浩 王國臣 劉璜

傅永吉 張登科

李廷龍 張元龍 張璉

徐盛 孫世譽

羅世濶 祝表正 見名臣祝世昌傳

李顯孝 見勲臣李茂芳傳

正藍旗漢軍官員

佟恒年 族孫佟世功 佟圖占 子惠福

馬如璧 鍾尚勇 陳一德

曾大明 陳正遠

甘文燧 甘應舉 族弟甘應龍

韓應琦 彭紹勳李昌 王之儀

成貴 李敬實李景梅 宋煜

劉宗秩 高應第
馬自才

鑲藍旗漢軍官員

達自瑞 何現圖

李宏德 柳朝琳

金世爵

高攀龍

李進忠

談有祿 董魁
熊天福

王應魁

崔成嵐

胡從聖

馬象坤

張瑞斗

見名臣
張存

張燧

高永運

見名臣
傳鳴

朱珊

見勳臣
朱繼文傳

白顯正

見勳臣
白仲文傳

祖世祥漢軍鑲白旗人初仕明為守備天聰五年大兵征明大凌河世祥投誠授牛录章京世職順治元年隨定國大將軍豫親王多鐸南征平定河南江南等處督放本甲喇紅衣礮攻拔揚州嘉興二府崑山常熟江陰縣等城並在事有功由牛录章京加半個前程三年

恩詔加三等甲喇章京六年隨征南大將軍譚泰征江西叛鎮金聲桓五月戰於南昌府中火礮陣亡八年正月議卹由三等阿達哈哈番加贈二等

阿達哈哈番

恩賜祭葬如典禮。同旗有劉漢者。崇德八年。以牛录章京從征明。攻中後所。歿於陣。

劉大受。漢軍鑲白旗人。初仕明。為江南清江浦副將。順治元年七月來降。十月。隨定國大將軍。豫親王多鐸南征。平定河南江南。大受奮勇前進。陣亡。五年。議卹。授世職。拜他喇布勒哈番。子守鎮襲。同旗有許友信者。原係明朝武弁。順治元年。隨左夢庚投誠。尋以從征流寇戰歿。十一

年。議卹。贈世職。為三等阿達哈哈番。又有董文魁者。初任牛录章京。順治元年。從征山西。攻太原府。中箭陣亡。三年四月。議卹。授半個前程。世職。以其子旒錫襲。

汪騰高。漢軍鑲白旗人。父文貴。順治元年。任守備。從定國大將軍。豫親王多鐸南征。平定河南江南。以督放紅衣礮攻城有功。三年五月。授半個前程。世職。尋卒。騰高襲父職。六年。隨大兵往征山西。大同叛鎮姜瓖中火礮陣亡。七年。

恩詔加拜他喇布勒哈番。尋叙卹。又由拜他喇布勒哈番。加一拖沙喇哈番。以其子永輔承襲。

王興國。漢軍鑲白旗人。世居遼東。累任至四川永寧道。順治七年八月。隨征四川流寇。九年十月陣亡。加贈世職為三等阿達哈番。

張承烈。字繩武。漢軍鑲白旗人。父鄉。以軍功仕至福建副將。承烈得七品廕生。康熙十三年。逆藩吳三桂叛。據湖南。時承烈年二十五。奮志從戎。以委署叅領。隨將軍穆占出征。十六年至湖

廣。偽將軍吳國貴在長沙府。率賊數萬來拒。承烈奮勇力戰。遂歿於陣。二十五年閏四月。議卹授拖沙喇哈番。以其子倫襲職。尋補火器營操練尉。隨征噶爾丹有功。陞京口叅領。

和萬鍾。漢軍鑲白旗人。世居陝西。兄萬里。以明朝武職。自長山島。同徐標來降。授半個前程。世職順治九年卒。萬鍾襲其職。康熙十三年。從順承郡王勒爾錦。往征逆藩吳三桂。尋調湖廣總兵官。劉文錡中軍遊擊。十四年五月。戰於襄陽府穀。

城縣陣亡。十六年議卹。

恩賜祭葬。

何世榮。漢軍鑲白旗人。世居撫順。任牛录章京。康熙十三年。隨和碩額駙華善。征逆藩耿精忠。管夸蘭大事。十七年。隨將軍伯穆和林。至福建。六月。擊海寇。偽將軍劉國軒於海澄。世榮奮勇力戰。歿於陣。

恩賜祭葬。立碑如典禮。贈拖沙喇哈番職。以其子何汝

民襲。同旗有鄭國明者。世居遼東。初任驍騎校。

康熙十三年。隨順承郡王勒爾錦。往湖廣。征逆藩。吳三桂。十四年五月。與賊兵戰於永興縣陣亡。

賜祭葬如典禮。贈拖沙喇哈番世職。以從子鄭之貢襲。

鄭朝興。漢軍鑲白旗人。世居陝西平涼府固原

衛。順治初年投誠。康熙十三年五月。隨副都統

李林隆。往湖廣。征逆藩。吳三桂。十四年五月。在荆

州小礮山。擊叛鎮楊來嘉。陣亡。贈世職。拖沙喇

哈番。

賜祭葬如典禮。同旗有臧世龍者。初任安慶都司。康熙十三年。逆藩耿精忠叛。兩江山賊應之。世龍隨河道總督靳輔往勦。八月二十九日。戰於徽州祁門縣陣亡。尋議卹。

賜祭一次。

范文英。漢軍鑲白旗人。任江西饒州府同知。康熙十四年。逆藩耿精忠遣賊兵攻饒州。文英奮勇力戰。於閏五月二十九日陣亡。尋議卹。奉聖祖仁皇帝恩旨。以文英奉職無愆。臨難不苟。

特贈為江西布政司叅政。

右俱鑲白旗漢軍官員。

尹得才。漢軍鑲紅旗人。係明朝松山守備。崇德七年。大兵圍松山城。得才同夏成德來降。授牛錄章京世職。三遇。

恩詔。加為二等阿達哈。後從征四川。攻重慶府陣亡。加贈世職。至一等阿達哈。子登科襲職。同旗有常鼎者。亦係明朝武官。來降。累官至副將。隨總兵官金玉和出征陣亡。贈拜他喇布勒。

哈番子啓侯襲職。仍准襲二次。又有孫應時者。以牛录章京從征錦州陣亡。卹贈半個前程世職。以弟應聘承襲。

李三元。漢軍鑲紅旗人。順治元年。以生員員從征。是年。

國家定鼎燕京。授三元直隸豐潤知縣。三年俸滿。

行取。授河南道監御史。察外轉山東登州知府。陞登萊道。坐事降三級。補山西大同府陽和衛中路通判。順治五年冬。大同總兵姜瓖叛。偽檄

郡縣從逆。三元不屈。盡節死事。

聞。贈山西按察司僉事。

賜祭一次。廕一子入監。同旗有劉應舉者。亦以佐領。隨官兵圍大同。督紅衣礮攻汾州府城。歿於陣。贈拖沙喇哈番。

王元爵。漢軍鑲紅旗人。初以軍功擢任牛录章京。順治元年。陞甲喇章京。十一月。隨豫親王多鐸南征。二年。江南河南平復。隨貝勒博洛往征浙江。在湖州府擊賊歿於陣。卹贈半個前程世

職以其子秉恭承襲。兄子王秉政。初管牛录事。尋陞陝西漢中府駐防甲喇章京。順治八年。秉政從征四川。在叙州府擊賊偽總兵龍名揚陣亡。卹贈拖沙喇哈番。又有王秉仁者。係秉政同祖弟。初管佐領事。累官至倉場總督。京察自陳。降二級調用。康熙十三年。從征逆藩吳三桂。至湖廣。在均州擊叛鎮楊來嘉陣亡。卹贈拖沙喇哈番。楊致祥。漢軍鑲紅旗人。初任啟心郎。順治五年。外補山西潞安府知府。六年。大同總兵姜瓖叛。圍潞安。勢甚猖獗。孤城援絕。致祥奮身率家丁迎戰。陷陣死。城遂陷。賊圍搜府署。將親屬三十人。盡行殺戮。郡人建祠祀之。八年。

世祖章皇帝遣官

諭祭文曰爾舉著循良擢典劇郡方資保障遽警賊氛

迺能冒矢石以殉城篤忠貞而報國甘心齒刃視死

如歸可謂抗節不屈者矣爰賜祭一壇造墳安葬用

彰哀卹爾其承之康熙元年

聖祖仁皇帝俯念死節之臣。賜給誥命。追贈太僕寺卿。

高舉。漢軍鑲紅旗人。康熙九年。由筆帖式任邵武府同知。案無滯牘。苞苴請託。皆不得行。會耿精忠謀逆。與知府張瑞午謀討之。事洩。與子登選。及妾胡氏。王氏。俱遇害。贈福建按察司副使。與張瑞午同祀九忠祠。

柯永新。號烜菴。漢軍鑲紅旗人。康熙十二年。以舉人任光澤縣知縣。邑有豪猾董子亮等。謀為不軌。潛引江右寇徐仲常。周正所_等入境。將大舉為亂。四境惶惑。永新詣府鎮請兵。密設奇計。直搗其穴。擒之。賊黨遂解。甲寅。逆藩耿精忠變起。北向慟哭。憂憤不食而死。

劉衍。漢軍鑲紅旗人。康熙十三年。以叅將從征。叛提督王輔臣。恢復靖遠。屢立軍功。將軍張勇。巡撫華善。發給副將劄付。十四年。隨官兵攻克秦州靖寧_等處。十月。在平涼南梁地方擊賊。被創。尋創潰卒。事

聞賜銀八百兩祭一壇。

劉浩漢軍鑲紅旗人任廣西潯州府知府孫延齡反浩抗節不屈與子中樞中梁中柱中楫同日遇害事

聞賜祭一壇追贈太僕寺卿。

王國臣漢軍鑲紅旗人初任牛錄章京順治六年從官兵討叛鎮姜瓖圍大同攻方家臺陣亡贈拖沙喇哈番以其弟國用襲同旗有劉璜者康熙十三年以七品官隨官兵征逆藩耿精忠

至浙江與賊帥曾養性戰於黃巖陣亡亦贈拖沙喇哈番以其兄之孫垣襲職

傅永吉漢軍鑲紅旗人由貢生任福建長泰知縣順治九年海賊作亂櫻城固守力竭死贈福建按察司僉事

賜祭一壇葬銀一百兩廕一子

張登科漢軍鑲紅旗人任四川督標副將康熙十三年七月隨總督周有德進勦逆藩吳三桂初七日夜至廣元與偽總兵官彭時對敵有

德中流矢。登科奮身陷陣。所騎馬被鎗死。復徒步持刀進戰。脫有德於難。登科為賊所害。事聞。賜祭葬。追贈驍騎將軍總兵官。正二品。廕子一人。以守備用。

李廷龍。漢軍鑲紅旗人。初任戶部員外郎。康熙十三年正月。以署叅領。隨寧南靖寇大將軍順承郡王勒爾錦往湖廣。征逆藩吳三桂。十四年五月。叛鎮楊來嘉侵犯均州。廷龍在均州礮山陣亡。

賜祭一壇。祭文稱其賦性忠勇。才能稱職。捐軀報國。効力師中。奮不顧身。力戰陣歿。朕用悼焉。特頒祭葬。以慰幽魂。云。贈拖沙喇峇番子文炳襲職。同旗有張元龍者。以都司從征。至湖廣。在襄陽府古城縣擊賊歿於陣。弟元鳳。廕五品官。

張璉。漢軍鑲紅旗人。康熙十三年。以守備從征雲南逆藩吳三桂。十八年二月初八日。隨官兵在貴州臘鷄坡。與賊對敵陣亡。

賜銀三百兩。祭一壇。修墳銀三百兩。子起豹。廕五品官。

徐盛。漢軍鑲紅旗人。康熙十三年。以五品官。隨經畧莫洛。往陝西。尋題補蘭州知州。提督王輔臣。殺經畧以叛。盛不受賊職。被囚。十五年。輔臣平。補四川廣安知州。十九年。逆賊談天倫。彭時亨。作亂。抗節不屈死。贈四川布政司叅議。賜祭一壇。廕子宏祖。為七品官。

孫世譽。漢軍鑲紅旗人。任陝西神木縣知縣。康熙十二年冬。逆藩吳三桂反於雲南。十三年十月。陝西提督王輔臣。殺經畧莫洛。叛降於賊。分兵攻延安。破神木。世譽被執。抗節不屈以死。十四年十月。

特恩贈陝西布政使司叅議。
予祭墓銀兩。廕一子。

羅世潤。漢軍鑲紅旗人。康熙十三年。以佐領。隨寧南靖寇大將軍順承郡王勒爾錦。征逆賊吳三桂。駐兵襄陽。十四年五月。賊將王惠。張義臣等。領萬餘賊兵。來攻南漳縣。自木益口河西山下。擁衆來犯。世潤迎戰。至泰山廟下。中鳥鏑。墜

馬死。

恩賜祭葬。

右俱鑲紅旗漢軍官員

佟恒年漢軍正藍旗人。以撥什庫。隨叔父佟養

正。戍守鎮江。天聰八年。其屬下將弁謀叛。執養

正。父子併恒年獻於明。島帥毛文龍。恒年與養

正等並不屈死之。贈牛录章京世職。其族孫佟

世功者。初任佐領。康熙十五年。隨撫遠大將軍

圖海。討叛提督王輔臣於陝西。師次高長坡。攻

偽總兵李黃英營。戰歿於陣。二十五年。追贈拖

沙喇哈番。

佟圖占漢軍正藍旗人。父養澤。本明撫順所裔

人。以通誠

本朝被繫。自獄逃出。遂來歸。授三等甲喇章京。天

聰八年卒。以圖占襲。降為牛录章京。崇德三年。

圖占隨鄭親王濟爾哈朗等攻明寧遠。次中後

所。以紅衣礮攻附近諸臺。礮轟裂。圖占歿於陣。

順治元年。以其子惠福承襲。六年。惠福隨睿親

王多爾袞等討叛鎮姜瓖於大同。復渾源州。左衛及朔汾大同太谷等府州縣皆以本甲喇紅衣礮攻克其城。七年遇

恩詔加一拖沙喇哈番。八年叙山西功。加授世職為三等阿達哈哈番。九年兩遇

恩詔加至一等阿達哈哈番。十二年卒。

馬如璧。漢軍正藍旗人。初任分得撥什庫。崇德五年隨睿親王多爾袞等征明圍錦州。敵兵千餘騎自城出。如璧隨梅勒章京墨爾根轄擊敗

之。又與墨爾根轄擊敗松山步兵。及杏山騎兵。進取杏山路臺及松杏兩山中路臺。隨固山額真石廷柱以紅衣礮攻克之。六年從大兵圍駝山寨。敵兵自有山來襲。如璧與碩詹並馬陷陣。殺敵甚力。尋與石廷柱等徇塔山路。以紅衣礮攻下附近諸臺。七年擢牛录章京。隨鄭親王濟爾哈朗等取塔山杏山。八年復隨鄭親王濟爾哈朗等取中後所及前屯衛。皆以紅衣礮攻城有功。順治元年授牛录章京。世職六年。隨定

遠大將軍鄭親王濟爾哈朗等平湖南。與梅勒章京金維城進勦四川馬湖府。以步戰歿於陣。七年遇

恩詔加一拖沙喇哈番。尋以陣亡。追贈三等阿達哈番。同旗有鍾尚勇者。世居鐵嶺。亦以四川馬湖之役陣亡。贈拖沙喇哈番。

陳一德。漢軍正藍旗人。初任牛录章京。崇德八年。隨鄭親王濟爾哈朗等攻中後所。及前屯衛。皆督放紅衣礮有功。順治元年。授半個前程。是

年五月。隨固山額真葉臣等往平山西圍太原府。以本甲喇紅衣礮攻克其城。二年。隨定國大將軍豫親王多鐸等平河南江南。攻武岡山寨。中礮歿於陣。贈拜他喇布勒哈番。

曾大明。漢軍正藍旗人。順治元年。隨左夢庚投誠。五年。授拜他喇布勒哈番。十二年。從兩廣總督李率泰擊李定國於高明。力戰陣亡。議卹。又加一拖沙喇哈番。以弟之子汝燦承襲。陳正遠。漢軍正藍旗人。父名節。孝順。治元年。隨

左夢庚投誠。五年授拜他喇布勒哈番。十五年卒。以正遠襲康熙十三年逆藩耿精忠。反正遠隨奉命大將軍康親王傑書進剿。至浙江。賊首朱印嘯聚硝黃山。受逆藩偽命率賊兵抗拒。正遠以本甲喇兵擊敗之。又敗馬鞍山賊衆萬餘。十七年海賊劉國軒犯海澄縣。正遠隨副都統伯穆和林等往救。與賊遇於灣腰樹。正遠力戰歿於陣。二十五年加贈一拖沙喇哈番。准再襲一次。以孫玉章承襲。

甘文燧。漢軍正藍旗人。祖籍江西豐城。國初由貢生任順廣兵備道。時大難初定。民心驚擾。文燧和平仁愛。撫鞠備至。藹如慈母。一時安之。如承平日也。後殉難鄖陽。郡人皆哭。失聲為之遙祭焉。

甘應舉。漢軍正藍旗人。初任牛录章京。順治二年隨定國大將軍豫親王多鐸平河南江南。攻武岡山寨。及揚州嘉興江陰等府縣。皆督放紅衣礮攻城有功。三年授半個前程。六年隨平西

大將軍英親王阿濟格等討叛鎮姜瓖於大同中火礮歿於陣七年遇

恩詔加拜他喇布勒哈番八年因陣亡加一拖沙喇哈番其族弟應龍歷任湖廣鄖陽參將康熙十三年逆藩吳三桂反鄖陽副將洪福降賊反攻提督佟國瑤衙署應龍隨提督與賊力戰賊退復來連戰數日經十餘陣殺賊二百餘應龍身被十三創猶督戰不懈賊勢益熾力竭戰歿加贈總兵官廕一子四品官

韓應琦漢軍正藍旗人任江西南昌副將順治五年總兵金聲桓王德仁等謀叛逆應琦執義不從是時官兵盡已從賊所餘親兵一百四十名即率之卷戰奪門而出其妻子家人七十六口俱為賊所害應琦隨固山額真譚泰進勦平定金聲桓功績甚多尋議卹贈三等阿達哈哈番同旗有彭紹勲者任兵部理事官順治五年奉

命賞送兩廣官員刺印勅值廣東提督李成棟反被執不

屈遂遇害事

聞恩卹甚厚。又有李昌者。任廣東都司僉事。順治六年。

隨平南王尚可喜。征偽安西王李定國。進勦靈山。與賊馬養林戰於三岔山口。奮勇先登。中礮陣亡。

王之儀。字虞廷。漢軍正藍旗人。康熙六年。任福建福州府知府。逆藩耿精忠縱黨肆惡。羅源縣知縣張翀杖逐之。精忠怒。勒之儀具狀。奏劾之。儀正色拒曰。九色能員。惟翀為最。誣而奏之。如

公道何精忠不能奪。十三年三月。精忠將為逆。集郡中僚吏於其邸。變起倉卒。人人震懼。之儀獨奮呼曰。皇天在上。汝敢反耶。刀槊交下而死。精忠復遣逆黨圍其署。妻張氏子琅皆自殺。事聞。贈太僕寺卿。予卹廕。三十五年。閩人思其忠烈。奉其

主入祀九忠祠。

成貴。本姓李。漢軍正藍旗人。初以固山額駙管叅領事。駐防京口。康熙十三年。授夸蘭大。隨副都統楊鳴鳳。征福建逆藩耿精忠。在事有功。十

七年海賊劉國軒率賊兵犯海澄縣。成貴隨平南將軍賴塔等往救。與賊遇於祖山頭。被其城中火礮歿於陣。

賜祭葬如典禮。贈拖沙喇哈番。以其子李淑白承襲。同旗有李敬實者。初任佐領。亦於康熙十七年征海賊劉國軒。在海澄縣與成貴同戰歿於陣。二十五年。贈拖沙喇哈番。又有李景梅者。亦以是役戰歿。贈拖沙喇哈番。又有宋煜者。為泉州南安知縣。海寇來犯。城被圍。煜奮力拒戰。久不能

支城遂陷。復督家丁巷戰。被傷而歿。卹贈按察司僉事。

劉宗秩。漢軍正藍旗人。任驍騎校。康熙十三年。逆藩吳三桂反。宗秩隨順承郡王勒爾錦往征。師抵湖廣。提督李胡拜以劉宗秩題授標下都司。管守備事。十四年五月。賊突犯穀城。縣城失守。提督李胡拜陷賊。宗秩力戰而歿。卹廕五品官。其同時陣亡有高應第者。卹廕守備。有馬自才者。贈都督僉事。

右俱正藍旗漢軍官員

達自瑞漢軍鑲藍旗人。順治元年。隨左。夢庚投誠。授拖沙喇哈番。五年。隨官兵征勦叛鎮姜瓖。在汾州府關廂太谷縣。督放紅衣礮。有功。尋進攻府谷縣。陣亡。議卹。加贈為拜他喇布勒哈番。同旗有何現圖者。父友亦以隨左。夢庚投誠。授拜他喇布勒哈番。及卒。現圖承襲。康熙十三年。隨順承郡王勒爾錦。征逆藩吳三桂。偽將軍吳國桂等。率賊數萬。在長沙府拒敵。現圖力戰。陣

亡。議贈加一拖沙喇哈番。以其子應龍承襲。

^李宏德。漢軍鑲藍旗人。原籍山西陵縣。

國初。逆賊總兵官郭忠傑。叛據縣城。順治六年。我

兵進勦。宏德越衆投誠。留軍中。累功授浙江

海門遊擊。十五年。賊渠鄭成功。率賊來犯。宏德

奮擊却之。賊復於十月。水陸並進。誓破海門。宏

德力戰數日。援兵不至。城陷。以身殉焉。十七年

正月。議卹。加贈官一級。又給一拖沙喇哈番。世

職。以其子世貴承襲。同旗有柳朝琳者。仕至漳

州叅將順治初值海寇作亂朝琳不屈而死
金世爵漢軍鑲藍旗人順治十四年由舉人任
廣東合浦縣知縣值逆賊高州總兵祖澤清叛
降於逆藩吳三桂合浦震恐世爵蒐軍寔捍邊
疆會吳逆遺賊數萬薄城下世爵登陴固守尋
以衆寡不敵城陷被執不屈而死合浦人憫其
節崇祀名宦祠

高攀龍漢軍鑲藍旗人康熙十三年以佐領隨
貝勒董額由陝西征逆藩吳三桂偽將軍吳之

茂彭時亨等率賊水陸來犯廣元縣攀龍隨總
督周有德奮擊有功又敗偽劉副將伏兵五百
於漢中東門外滿水河地方自漢中回至金水
河時亨等復率賊八千餘截戰攀龍奮勇衝殺
歿於陣卹贈拖沙喇哈番以其弟國珍承襲

李進忠漢軍鑲藍旗人任陝西固原鎮標中營
遊擊康熙十三年十二月值逆賊王輔臣叛進
忠仗義罵賊被執不屈至十四年二月初二日
與遊擊李成梅王宣都司完元文同日被賊縊

死十七年議卹

賜葬銀四百兩。贈副將職。御廕四品官。

談有祿。漢軍鑲藍旗人。由俊秀補授驍騎校。康熙十三年。以委放守備。隨順承郡王勒爾錦征。勦逆藩吳三桂。至湖廣。十四年。陞固城縣遊擊。五月。擊叛鎮楊來嘉。力戰沒於陣。同旗有董魁者。任守備。亦於是役陣亡。

賜諭祭銀兩。又有熊天福者。康熙十三年。以守備隨總督周有德征勦逆藩吳三桂。至四川廣元縣地方。奮勇擊賊。歿於陣。尋議卹。廕五品官。

王應魁。漢軍鑲藍旗人。世居遼東錦州。由官生。初任江西建昌府南豐縣知縣。康熙十四年六月。甫任事。值福建逆藩耿精忠叛。九月。偽將樂燦。劉汝桂等擁衆來犯。縣城應魁竭力分防。尋以鎮弁失守。城陷。應魁詣學宮自盡殉焉。事

聞。

賜祭葬。贈按察司僉事。廕子一人入監讀書。以知縣用。崔成嵐。漢軍鑲藍旗人。由官學生。任廣西梧州

府鬱林州州判尋署理籐縣知縣。康熙十四年。偽逆孫武等率頌賊衆圍犯籐城。成嵐與之相持七晝夜。時援兵未至。身戰歿於陣。廣西巡撫陳洪明以其事。

聞

賜祭葬銀兩。贈僉事道廕子一人。入監讀書。以知縣用。

胡從聖。漢軍鑲藍旗人。父廷聘。因投誠授拖沙喇。峇。番。既卒。從聖承襲。康熙十五年。隨安親王岳樂。征逆藩吳三桂。至江西。擊偽將軍夏國相。李良棟等。於萍鄉縣之來龍山。從聖力戰有功。尋進征。至長沙府。陣亡。卹贈拜他喇布勒峇。番。以其子世寶承襲。

馬象坤。漢軍鑲藍旗人。康熙十七年。以八品官從征福建海寇。偽將軍劉國軒等率賊七千餘。在馳頭嶺地方拒敵。象坤隨寧海將軍喇峇達等。進擊有功。又敗之於窰頭嶺。又敗之於鎮門。馬鞍山等處。偽將軍吳淑率五千餘賊。相拒於葛布山。象坤力戰陣亡。卹贈拖沙喇峇。番。以其

子延壽承襲。

右俱鑲藍旗漢軍官員



